

復

莊

詩

問

復莊詩問卷二十四

大梅山館集

鎮海姚 燮某伯甫

元旦置酒江樓獨酌竟日賦四言九章

以下壬寅作

日皇東升西山皆笏孤峯不僂萬丈樹骨太清盥盥孩
提識春飽食無病居然吉人去臘東鄰貽酒最醇三寸
之竿中有九垓

衣冠拜趨俗亦有禮長執非兄幼執非弟兄而洵洵弟
而莘莘古風何混天澤何湮我慚歉恩匿不敢羣不羣
以身而羣以心無懷之衿無絃之琴

雲來過窻風來拂衣俯得鷗語仰逢雀飛雀飛止林鷗

語在潯潯綠自陰林翠未深娛我獨吟眷我獨酌不將
而迎何擯而卻不卻不迎何糾何縈希以爲形夷以爲
聲無以爲營吾曷乎名

抽刀殺人忍哉同類伊實未醒胡能知醉晨氣廓清甘
以濁爭伊實長醉胡由望醒淘沙得金剖石得玉雖能
醫貧不能醫俗子孫身腴祖宗魂哭密堂媚狐荒邱哀
猿咄嗟斯人吾難盡言吾弗盡言吾罄吾樽

今日何日犬牛亦閒犬不出巷牛不入田田氣蒸蒸巷
有歌聲歌聲乍停吾思好鶯鶯來當桃燕來當杏而此
空枝已媚江影江影媚枝亦媚我衣我衣颺颺心與漾

之

我親無愁開門看鷗我子無求下灘弄舟我弟無憂與
鄰嬉游我妹我妾插花滿頭不識貧賤安知王侯我不
善飲已罄一甌一甌之酒薰然釀詩同調無友和者其
誰韻以簫孔絃以瑟絲彼簫也瑟庶知我思

風動水聲村靜林笑烟開遠簞忽有斜照目所習移今
始知妙安得一竿其間垂釣釣龍可騎釣魚可餐釣之
不得亦未爲患否則攜斧而薪于山

山容蘖蘖我醉魚魚各藉于虛如相吸噓如噓如吸如
啖如接如拱如揖意不可執執我長劒揮彼清風風籟

應宮被乎壤穹一幹機轉萬里樂同我厠其中父母雖
離室家蓬蓬胡不融融

皇聖順天兵爲祥氣匪蝨在禪于膚何累雖我下民身
非習置要念村墟亦天子地陽澤所臨曷嘗吾棄無
棄斯完無擾斯安園吳拭鏡方輿止磬我厠其間有山
芊芊有川綿綿胡不閑閑

人日過鄰社作撾鼓戲

彭亨鼓大如甌一尺椎兩手舞村兒牽衣擬相語荷葉
秋田聽白雨工此技者禰正平裸衣能使曹瞞驚賤子
喙短無由鳴欲搥地肺搜雷霆雷霆不在地風雲不在

天一握心腑中洩氣如奔泉化爲金石聲淵淵聲何所
寄寄以鼓空山草昧閉萬古今日元音開大呂明朝畊
田栽麥稻當有豐花兩歧吐爲爾重搥婦田祖

遠曉

遠曉醒春山夢迴江鳥還渚烟吹宿簾簾綠照疎鬟幽
怨若相沉餘芳信自閒登樓聊故故明睇眷叢蘭

挽得

華胥天有太平鄉清夢吾栖玉照堂幾輩黃金驕骨肉
有誰白鐵鍊文章頗憎目過窻駒疾未任心隨磨蟻忙
挽得一絲春信息初梅洩氣在微茫

春感八章再疊少陵秋興韻

遲遲花事閉春林如我羈懷抱鬱森掠竹燕斜初試語
潑江嵐重易成陰拂縷幾遂終軍願視策難雄祖述心
敢道潔身離世立空慚淒夢抱婆砧

初日柴門樹影斜每聽好鳥惜年華但依草木何資劒
久習風濤轉畏槎豪飲難忘同社客哀聲已換故城笳
坐教佳日愁中廢辜爾山衣碧蘚花

要持寸腑眷春暉敢怨窮時生息微滄海依然羣水赴
青天闊絕片雲飛囊書匣研吾生在雨笠烟蓑昔夢違
且與親孥同健飯園丁薦韭貽方肥

空山小劫爛柯棋苦代天人繫惻思胡蝶自驕春滿夜
美人正夢酒酣時須知馬逸收繮晚頗怪弓柔脫殼遲
涸轍枯魚誰借命閉門且作十年思

帝檄禺疆狩華山未應停轡白雲間豈防狡脫籌三窟
轉類清齋禁入關暗雨成烟籠草氣好風何日破花顏
願渠早報焉支捷勲厠麒麟褒鄂班

置酒鼇峯最上頭身如孤鶚厲清秋橫潮易泊千軍夢
斷角空催日暮愁在昔漂搖餘木葉況今搜括到鳬鷗
問誰鑒凜前車轍錯鐵時防鑄六州

莫仗干戈市大功唐虞運會正持中龍蛇自有包容

澤 閭闔原無肅殺風
鶯界天迴荒地綠
鯨淵氣懾曉
噉紅坦途健脚行
堪試失馬何勞怨塞翁

西南山色碧逶迤
虎士連營駐越陂
只我登樓懷故土
知他繫馬怨芳枝
隔江嫩柳青初洩
遠渚孤船澹自移
王粲天涯歸有日
閒吟且放幕鉤垂

春日散步於野人園見梅花感作長句

疎樾含青薄日曛
細徑堆烟暗篁掃
美人未閱羅綺春
瘦影空山雪催老
豪官黃金能買愁
海棠四壁鶯貯樓
吹來露片不肯凍
玉韻鏘然鳴箔鉤
只今亂草遮黃土
冷照桃根鬢髻語
醉魂已挂西市刀
夢裏猶然索歌舞

北村學究黃髮彫八十始讀靈均騷攜鉏斫地代長劒
痛淚無情沾布袍隼吻膏肥雀血盡二月江南北風緊
望中萬木如立柴元氣無歸天力窘迂儒讀易解消息
到此淒懷亦難忍忽逢姑射明睇垂與我盈盈致怨思
守基洞府鶴方病覓柳關山燕正飛蜷形涸澤慙枯槁
直擬茲園托義睎平潭初淥宜濯襟深岫橫來一睂梢
狼藉繁華驕短年榮辱人間問誰保依徊花下聊獨吟
臥石惜無倚蘭琴何當手撫上陽曲大海千里開元霧
荆棘遍作瓊樹林盍然一吐東皇心

借托

新綠重湔舊袷痕小綴如獸齧重門江南泊燕花春老
屋上啼鳥斗夜昏玉面畫樓窺客燈金釵密燭醉臣髡
夢醒畱得紅蕪淚蘸濕東風映蝶魂

正月杪明州紀事三疊秋興韻八章

漫誇十萬盾成林摩壘如何氣不森草草軍裝同奕戲
啾啾戰鬼哭天陰有門縱可求援手在史須難避鍼心
揜耳怕聞行路怨淒千秋響促繁砧

擁燭中營戟影斜擬馳露布報東華餽鱸忽復傾金液
弱水何從挽鐵槎上粟枉驕天馬俸哀蘆慘逼佛狸笳
殤魂多少西還淚灑遍荒山躑躅花

黯澹平凝九地暉草菅托命本輕微
流膏灌路魚爭上毒霧橫江鳥戒飛
豈果天崖無路入早傳將志與兵違
有人繭足深山逸頗仗腰間帶素肥

勝局憑收劫後棋變絃竟作曲終悲
直驅海若翻凶浪猶望河魁相吉時
偵虜伯嘉多憊慢突圍趙盾故紆遲
六軍銳氣淪亡盡密幄韜鈴苦費思

肅夜狼烟繚四山蚩尤旗卷大河間
待摧交趾安銅柱悔洩春風度玉關
有餉已窮千戶粟何辭上慰九重顏
燕然勒字非僥倖投筆吾思定遠班

軍心明月大刀頭淒絕關山戍鼓秋
鐃吹未翻春柳曲

霜巢重激夜鳥愁危牆濕土誰封蟻密汊間波自汎鷗
奕奕大宗 天子翰尙聞屯甲在蘇州

乾清 賜劔祝高功赤纛迎輿出 禁中荒峪窮天藤
甲淚畫城綺夜錦帆風雲邊斷雁霜翎白夢裏天桃血
色紅何似短禪田角臥逍遙老作飯牛翁

將軍過剡尙逶迤仗隊紛紛候遠陂月黑共沈長夜夢
冬青難覓後彫枝飛鞍四野都狂驚戰檄千封早遍移
儘與匈奴添跋扈羣公悖帶可安垂

偶述

壯夫學騎牛童子執鞭笑抽刀剗病羊遂云虎非暴天

人無賞刑夷齊亦能盜安見紛澤功施及嫫母貌萬事
各有宜難爲昧者告

夢後

橫閣靜高曦單衾夢後疑淫詩叅病課中酒誤花期趣
乞兒童補時將壽命持天元能默會空境有師資

燕

花破兩捎燕弱情禁得春斷雲宜約怨病女肯分唄芳
草迷歸路江關憶故人畫梁繁暗碧不是舊歌塵

曉汲吟

秋潭一泓行片雲佳女曉汲青絲裙幽花如桃人憶春

桑梢涼光動初日宿雨苔根似鳴蟀淒夢銀牀感湘瑟
十年挽髻無壻家空山獨情憐病鴉含睇烟心蘿葉斜
偶咏
野草無名香似麝山禽能語脆如嬰自然聲色流天妙
來嬾先生醉裏行

野溪見桃花一枝

浣石西施夢若耶薄烟障面草裙斜腰之清澗古琴曲
媚爾春人白袷紗屈使嬋娟爲野耦不如楊柳作鴛家
東風未肯連朝紫藻縫遊魚餓眼花

散步桑林下

雲片齊齊整作樓露聲瑟瑟響爲秋水陰橫犴牛承筥
牆上斜梯女執鉤葉是大年蠶有命花過四月蝶無愁
經時翦伐枝都腫種者而今半白頭

黛峯

黛峯爭靚葉涼曉畫入明波雛燕愛春闊落花如雨多
大湖有蘭漿佳客被青蘿不畏袂衣薄露邊吟踏莎

戲示鄰友三章

終朝咄咄當謳歌束手看君計奈何灌釜甘漿烹大芋
踰門病狗戀重簑大江日落潮未落老屋風多濕更多
巢父掉頭許由笑兔毫禿盡換無鵝

引鶴申龜絕粒仙那知下界漢唐年無籌可紀貞元歷
以氣遊行自在天未用苦甘分茶蓼從來得失本魚筌
伏潭古蟻不肯出迸石寒梅相向妍

瞿瞿一睡希夷老踽踽獨行彭澤翁礙道可芟皆亂棘
蘧廬無病卽春風鳥飛每讓雲飛疾劒氣何如酒氣雄
露夜登樓占天象亂星瑟縮月當中

吾屋

水湄吾屋有新葭涼閣烟平天與遮一鳥過江纔見影
亂葦打雨不成花門前老樹當屏倚樓角孤峯對枕斜
西去崑根多墮橡路通雲磴只須槎

看種蓆

野人種蓆如種稻，
鬲坂爲池界畫開。
河鼓星帷宜翠織，
天吳繡和稱刀裁。
响烟柳背魚苗上，
蹴露花陰燕女來。
他日西風冰簟閣，
夢痕膩遍楚王臺。

當古謠十三章

燭魚一丈筵膏血，
百口命清調過夜。
雲流鴻繞雲聽灼灼，
雙鼠目無事常含嗔。
甯騎山中虎莫犯，
馬上入城門有懸頭閉目不敢望。
地下拾長刀，四顧莫知向。
揜面不揜裳，閉戶可踰牆。
桃花藏密室，滿路春風香。
陌路娟娟子，顰蹙雙蛾眉。
不是無家歸，歸家知有誰。

旗纛開如沸彈壓千屯營睨爾雙眼白顧我雙眼青
屈膝拜狐狸恃金傲雞狗來時朱輪車去時赤肝走
斷巷新鬼語入夜無人行白月照荒地何處投壺聲
飛爲惡鷹食止爲毒蛇糧燕子爾何愚謝家有空梁
我有梨花春勸君飲之盡要行明日行江頭雨淒緊
要人不諭年要珠不論錢可憐走窮路來到黃河邊
繡出鴛鴦和兜胸替君煖不諒辛辛苦心只嫌帶頭短
實之如玉瑩弄之同瓦碎天魔舞君前罔兩嘯君背

看耘

驚蟄聞早雷碧川動蛙意晨立看野耘闊天爽嵐氣新

地如沐苦賴發土膏
風亂後防歉年農心有餘厲耕牛
半入寇人衆力難替
荒荒附郡田不止千頃廢把犁猶
得勞餓骨已免棄願操十倍豐儲
償積逋稅

感事三章

望路鮮所謀迫爲夷虜役
夙昔栖無家居然託崇宅攫
財供饕淫取意百端適
國法輕鴻毛自衛仗兵革一
屠磨利刀千牛受殘戾
何論區區羊瘦肉僅餘脊肅肅
宣聖宮譁然置歌席
莫謂神失權無由褫
狂魄澄淵六
宇寬翻投焦釜窄伊豈化外民
吾難究肝鬲

厠身儒林中鄉原有微譽
罔安藜藿飢失足遂甘誤蟻

鄉思化蠅含垢極攀附祕技竊野狸不懾按劒怒轉奪
錦繡榮守經笑章句堂皇高馬騎沿門索琛賂小信要
里兒堅城負逾固姓氏雖匿更詎終免敗露咫尺方震
霆曾何不危懼

密探軍牘辭走告夷酋前顛倒索功罪私意伸獨權尺
席羅萬刃袒背能熟眠醜葉莠野麻抱若春花憐積壁
金如山妻孥涕且漣頸組不及繫魄已沈重淵棄骸無
人收敗屋淒生烟

青霞洞天之一

土名石
弄堂

構奇冠天想搜元拒人界緊束芙蓉根抽心得一隘密

林蔽臥龍雲氣未殘壤磴水篩蟻珠石髮櫛烟黛樓閣
中極懸日月下方晦窺厓猿睇青習見不驚怪赤壤宜
種芝何由世事賃匿魂秋毫顛馳夢大荒外孤淵何渟
泓萬里正澎湃頗思丹療愁往從古仙丐

於菟門

微暉澹木色被石如黃毛間然元竅虛怒作飢聲號豈
伊真宰心亦未除牢騷特挈九地根弗使星精韜野躡
橫孤獺遠顧多藏逃攜鉏芟亂荆我能探其巢視下已
萬仞蹴脊當至高白雲堪手攀恨爲風所漂振袂欲上
天松枝猛相撓神獸不孤處騶虞今倘遭

鹿斗背

似有金銀藏結脈多寶雲貪夫祕砂礫山靈笑且嗔獨
行不知路汎濫隨羊羣露厓蟲葉肥不惜桃花春漣然
鯉魚水少女方湔裙略有蘋氣交抹入遠嵐昏青烏剏
賃說咫尺地包陽溫遂使葬者棺密過人屋屯安得舌爲
斧破惑醒羣魂且從楊柳圩踏送橫塘曉

迴沙牌

苦撰水利書未適百年用當知一寸流因時殊決壅大
澤魚所栖絞岸賸枯葑遂令旁激瀾石根轉搜空春田
方待膏斯民匿憂衆奔泉如箭發十發九不中豈其紙

上言竟受古人弄相地得舊章宿疑遂昭貢細脈伏土
行亂山壓沙重輪彼閑閑鷗無愁伴漁夢

上已行

畫翹霏江碧瀏瀏穉女湔裙試擲手單衣病密晨未梳
眼眷遙山憶楊柳柳宜疎鬢山宜睂燕來問夢鶯不知
去日粧臺人影綠東風可憐杜鵑哭竹梢露紫魂氣香
夢約淒烟秋骨涼紙錢迴野吹巫角雲影平川漂夕陽
湘君玉琴黃土棄天外陰蘿怨脩睇春膏萬頃無枯地
一寸情苗獨顚顚斯人顚顚負行樂怕詣芳洲搴杜若
杜若不辜情奈何引絲下上胡蝶多年華小杏愁淒雨

身世天桃傷逝波

遣情五章

遣情不資遠無累時亦舒良景
剪喬柯脩緣在明渠理
卷坐無營清廳漾宜裾雖有微塵
撈俗想夙已祛薄節
供獨慙何從邀光譽

猜忌發幽憤受痼徒自勞
天地多厲風鷺鷥懸一毛
深樽能汨魂平席千頃濤
陶潛縱辭酒未始名不高
田唱吹俚音我欲刪楚騷

植杖東林阿靜看雲弄山微
雨吹及衣遠鳥飛始還宇
宙托一身適志良知難預爲
明日謀境逸心已殫顯默

有大宜君子操其端

攬古托閒眷恍眇無實依鴻雁不入林密網安所施
夷一握暉萬命有同資黃河揚濁泥澄清今其時我將
絃太和一理平生思

日月常在天生陽無絕機雖抱落寞懷元化未睽違沈
疴沒孤志所係終有歸域畛不自封山川皆愁悲就井
棄空煦負養誠何爲

過故友孫襄陵

家穀

墓弔之以詩四章

十年夢君青山夕暉江流逝矣餘此一坏天心闇宵意
不可窺風非金秋木若就摧鬱憤成古後將告誰

倦念若喪昔情紛聚斷絲積筐重理其緒空山魅多薜
裳曷與須怜故人食檠野處我夢子魂奈何淒雨
稟骨不餒卑官屈躬持廉惟素宜命之窮命之所窮實
道之通餘哀在路其心最公視彼巖柏蔭爾龍蔥
惜無江蘺擷以薦子北斗昭昭子實未死生平雁羣飄
不知止子我孱身來拾烟杞載瞻崇岡悵懷靡已

牆角荼蘼花

約住可憐瘦媚渠無盡山烟難扶斷力風與櫛斜囊小
鳥喚流水佳人看指銀慚吾籠帽客來擬醉時顏

喜王

燾

見過贈以詩

百年不著一尺書空山老死還何如長江大漢有時竭
安得沙石皆璠璵王翁窮瘦可見骨食厭雲漿無綠髮
蓬艾日高名日卑白日猶懸壯心沒儒生福薄逢亂離
天池只受鱸黿嬉生愁血食斷身後挂杖安用葫蘆肥
登樓歌哭枯林簞衍篋文章敗竈灰丹山赤水神仙府
瑤樹琪花失風雨鶴巢墮地青苔彫殘月烟叢剩鶻語
故人相見酒且傾劉伶述德非逃名有田自悔不識畊
末俗所棄翁所爭蒼鷹一聲萬里白欲從杯底開八溟
吁嗟乎閉門不坐華胥鄉出門不行邯鄲道柴桑老人
乞食老忍餓常埋野田草宜我于將鈍難寶

詠繡球花

一泓明水與漪眸素面天嬋避鏡羞醉裏鶯魂能化蝶
病餘春夢誤尋秋嫩陽玉笛櫻桃社澹霧銀燈翡翠樓
重蒜窰簾條脫碎浪情入夜不能收

春晚江樓曉吟

置酒江樓試晨昞獨鴉過樓雲一片隔江一樓對我樓
楊枝裊裊當簾鉤何人吹笛樓上頭吹暗江潮如暮秋
遠山睨竹春陰老小渚眠鳧夢氣幽川原迢迢烟翠縝
薄衫映空怨風緊孤情浩蕩不可畱千里芳華同拍浮
我欲攜家寄漁艇乾坤東南有滄溟不逐江頭亂萍梗

同六妹李姬侍母自蘭江放棹至茅山廟進香得
詩三章

柳界天空獨槩行暮春江水氣能清碧山傍旭延初暖
黃鳥當風遞暗情倚擔烟心明非色跳魚舵尾雜茶聲
何年翠簫青竿願抵此浮家一舸輕
海雲東指故鄉遙傳說烽烟近未消且學漁歌娛白髮
漫分湘怨托青苔水陰繁翠纒斜燕萍隙疏鬟入細潮
眼及春暉浮四野平安行樂儘堪驕

漸聞疎梵出雲中栢柏交天線嶺通方丈樓臺龍首冠
維摩眷屬佛心同坐收嵐氣東南翠歸擷林花躑躅紅

差喜慈親行尚健不須扶杖喚村童

述意三章

寸曉馳萬馬置夢荒磧間白榆含迴暉層霄暮生烟丈
夫在草莽孑影誰見憐墮魂還自招悲歌撫銅絃肝脾
朗冰雪根氣寒益堅恐貽造化慚拒物辭雕鐫奈何懈
所慎絕理忘續綿遂聽負擔力苦爲功名捐大風吹垢
塵江淮素故川函谷無還牛高臥師陳搏

百年生何涯一朝死有故平生膠漆親麻衣哭當路禪
燈無礙光伏魅靜中怖猛過金秋風空天發韶鑊蒙頭
坐堂與誰來遺羣務懼以顛躓多頓改周折步引目戰

荒汜沈想索號諱杯酒雖尋常隱然事機露乾坤真氣
交能受始相付可惜銛刃刀用因屠豕誤

目阻天閭高河山蔽荒棘豈眞巫咸愚竟鍛大鵬翼萬
妙羅寸畦一瞬了聲色谷神不守中筋骸遭蠹賊今我
廢無爲猶能事庖馩苦效鷲戀桑孺孺日三食竟有亂
緒絲紛來繚胸臆雀肉能幾何餓鷹慘相逼窄斥纏紫
雲鳥由避殘刻坤靈揚清風庶乎燄鑪熄

感示妹婿袁

久堂

三章

急切望後途謀意有所深敢云無田園隨在皆吾林江
孺春并殘夏綠暗已侵與子隔一阡照屋同南岑憶昨

子見過我方步藤陰杯酒消日光漫悅桑間禽江嘴橫
桔槔農力辛苦任轉復資其勞坐食慚寸忱萬命如枯
禾顧我安爲霖裹褐不適用時危賤璆琳體廢身喜存
亦難緘口瘖夕陽橫亂岡相視悲崎嶇

太息雲山寬不放心窄風雨雖得遮鷄鵬在人宅俗
議久見輕諱貧亦何益須知鄙野中原無榮貴客與君
生有爲願在勢相格飽煖亦細謀乃供匹夫役在目多
好枝大半受狼藉每聽鍛羽鵬看烟泣淒魄退步作鏡
觀差足慰肝膈幸安長夜眠已爲卜全策

我有親與孥爾亦有妻子入口防飢寒一身係生死萬

無他可期有天作憑恃暗疾交百骸爾我實脣齒尙容
見親切何妨貴穠秣養澹守所蟄自存不亡理和風從
遠來柳陰蕩芊靡蕭然披我心猶未墮濛汜且竭壺中
漿眷此蘼堂暑門外騎牛兒烏能辨悲喜

偶得

難爲天意厚使我有蘧廬借病寬勞體因閒惜破書江
漂羣木秀雲拓四山虛且聽南風裏歡聲散晚畚

五更不寐作

澀枕支荒壁凝雲切靜天顛童掀夢舞殘火戀膏燃闔
海孤心泪危巢獨樹懸開門抒暗歎元響發雞先

初夏雨晴

匪幕林巒綠已成
清和待試袷衫輕
心緣物擾難除妄
天到春殘始放晴
窄院水多羣鴨集
頽垣烟重獨花明
兒童釣得魚盈尺
去就鄰翁索釀餅

當氣出唱五章

東廊庖牛西廊擊鼓
大珠如燭明月光
釵聲隔帷衆妓
舞大海風淒長城正
雨軍裝在泥馬蹄
不得舉刀斗紫
翔雁稀苜蓿瘦榆樹肥
榆樹千丈鴛鴦來飛

解爾佩鈎贈爾文綺
義難孤持情且權委
白雲濛濛青
天自高飛雁向夕野
無林皋荆榛糾結不
可斧荷鋤投

山淚如雨

么絃和宮二絃叶商捐有迎拒意爲抑揚聽者何聞但
聞琅琅窮夜馳馬寶刀挂鞍俯首冰結仰面月寒誰之
功勲驅我困苦小民流離大人之祐

喬林巢鷗鶚而以爲鳳凰渴下不植何有蘭茝芳冶兒
能解美人醉黃金能下壯士淚壯士之淚以金市美人
之心以情死高秋不作東風枕石空山夢桃李

稽首君侯前願祝千萬年樽中有酒不醉白日落海月
上天天門日爛海水漫漫人間有光地下無旦山根糾
結相羣嶽天門翕赩流霞多天門自霞海水自波

前從軍詩五章

昔人悲從軍今人視爲樂驕色薄遠雲壯士氣轉弱
目樓煩王似堪手親縛上帥急藏功重以萬鈞托狡智
不可窮連營有私約

盾矛衛密幄其地繫非輕何以椎埋兒出入如大庭捲
旗張紅燈風寂聞笑聲軍士解甲眠四幕靜無驚城上
高鳶飛江水流繁星

獻技請長纓懷刺告奇策固信求獨專未肯讓餘席微
身但可効何計出身籍朝去袪褐衣暮歸擁牙戟賢哲
生歎咨鄉愚動神魄

飾帽爭一貂馬革誰能任城下海水恬似無愁慘露牽
羊縱人庖在雀當免燐恃此毛羽纖顧彼蓬渚林寄言
慰家室東懷毋愴心

得儕貴官役親戚指爲榮提鞭叱軍卒赫赫辭有名朝
博夕挾媚懷袖黃金贏便無事後功所志已滿盈安得
揚沙風蕩霧先使清

後從軍詩五章

勢竭無所歸點想生窮謀載諷出塞詩焉能守舊邱脫
焉舍妻子束衣去如流密書敵寇情獻帥操必售慷慨
發涕淚居然堪同仇進辭偶入臆恣膽窮計搜遂掣軍

中符輿脫千戶侯

事蹶誠殺身罪非賤者始況乃律法寬昭昭有前軌部
伍多坐閒移挪當僕使奔走千冗員誰能確姓氏關守
或詰疑護身驕一紙抱膝深山中遐哉布衣士

飽食知自羞創論相聳諛主將寡真識貼耳受其愚發
帑同運泥不復量所需操閫雖有權在網勢實孤大旗
翻凍雲萬鳥繞營趨磨盾俟奏功往者正延紆

籌餉招亡軍豈真恤其命要將安撫功據爲入告柄一
事千齟齬朝發暮更令四未筋未舒河魚腹先病左右
資寵榮順勢迭逢迎誰復先路驅試摩敵鋒勁

分營互犄角聲勢何其雄
櫻山但堅守不債卽大功
奈何舉動輕忍視流血紅
費縻千輶銀散漫難詰窮
特編獎賞書奏報相彌縫
遂使市僧名濫隸官籍中
羣公面目存清夜試捫衷

鷹爪辭

鷹爪卷曲虎目盱握劒巡城
萬羊竄泥汚東海無清流
富貴南柯有翻案棘心丹碧
三重樓騎馬歸來夜張謏
蒲桃堆槃人肉爛玉面狐狸
鞞花辦頗黎隔屏送烟盼
撒手金錢胡蝶散蕩魂娛娛
蘆笳歌醉守春燈不知旦
春燈影瘦梟鳥啼暗天沈獄
風沙淒健兒黑襪纏窄衣

躡竿能走空能飛七首芒青煉重魄駒并身繼萬鈞石
喑啞一聲鳴鏹礪血濺羅幃擲十丈五丈銅山高
千家百家枯無膏金風散翳蒼蠅逃牡丹臺閣生蒼蒿
蓬頭墨面裸肩鬼草地星天獨影號

田家雜興十五章

隸事極繁鄙所謀皆切身謂天與手足力在理當勤九
歲女織布七歲兒負薪粗得飽煖安誰云徒苦辛

老翁行曉田聽鳥識風雨晝日一片雲涼陰滿疇黍悅
心淡生意慰辭及農侶好以筋力寬分閒理桑圃桑茂
蠶絲多漚絲可易紵製得十領衣秋時嫁孫女

苦酒雖不甘亦能使人醉江魚錯筍茨肴蔬頗兼備既
醉眠且宜本無外事累草庭牛矢多掃除有僮輩八十
不識城青山夢魂貴野色生睂鬚自然得蒼蔚

鄰兒御新衣輒生暴殄憂自言三十年未嘗更棉裘風
氣漸趨靡誰能防效尤歸來誠子孫餘福愼汝罔須念
丐食人裸泣西風秋

老嫗摘葵藿切葉烹爲漿嫩根菹以鹽擬備恒時嘗飢
我供晨飯膠齒生餘香方知滋味間愈澹乃愈長出門
望鄰圃雜蔬多茂良自慚塵中來夙未泯鄙腸願可營
一區我當老茲鄉

鴉來立牛背柳拂牛尾青牛童抱柳根手弄河中萍弄
萍意在魚似怨河水清迴折長條枝驅鴉過田塍

遠山日對粧村姬不求黛動止歸自然無心得雲態晨
起勞蓄蠶未暇爲春愛積絲欣滿絢相期馬頭賽

日氣動雨草野風汎有芳童子散塾歸隔籬驅羣羊門
庭燕未治樸陋安亦常春負藉鄰力飲餽無乖傷比屋
三世居朱陳永相望

勤勞有堅體節儉無荒年命可一生飽未妨老傭田鉏
犁深手藏世業高曾傳裏足藏深山節候憑蛩蟬役心
氓是非慕其天獨全

卑謙學禮貌生拙情彌真坐酒風雨中藹然流和春自
言友犬豕苦作無知民未睹世境奇飽煖亦沈淪轉使
吾寸懷匿難告所欣

膝下三五孫讀書良自佳縱不功名求庶免譏愚駸今
晨殺一雞酒熟飯已炊嚮切分拌勻歡笑食無猜落檐
多山光遠林霧方開林風如有情澹然疏其懷

超想出千載恍見彭澤翁山林性未漓魏晉無殊風拂
袂吾苦塵往意證誰同惟有耕者心不識天地窮大道
在泥塗長飢昭令終

及時得豐獲坐操三年贏萬想橫崎嶇安能劑使平自
復莊詩問

食乃爲貴有慕皆賊情晦迹何從韜亂雨繁蛙聲惟有
綺角翁出入無將迎

暇豫托車馬精力嗟日頽眼中邱壑青名喪始來歸田
夫偶息鉏頗復憐酒杯盡命無悔心老髮聽其催桃花
當門紅桑柳同垂甍燕子娛好陽旣雨亦拚飛

山近堪伐柴江清足投網食用天與全誰復賤草莽樵
漁有互資坦心絕貪攘通鄰如一家無事亦常往譚笑
延古懽隨分具果橡

無米行

磽地淫霉果蕪爛欲倒柴門入江岸蒸然釜氣生濕雲

無米供炊坐愁飯向鄰貸得一斗餘計口不敷三日需
聽渠鵝鴨絕糠粃搜索蝸蚓循檐除兒童赤足奔市閭
手搏箬葉包蝦魚歸來猶自厭無肉飽不知安恐非福
行無道路宿無屋多少流民受推辱異鄉不得口數粥
疳妻病子骨郊暴新鬼啾啾雜人哭

後無米行

囊錢日減餘空繩安能猝辦三五升過門風香鄰飯熟
獨立吾餐遠嵐綠嵐綠不潤枯面黃江聲來攪飢時腸
老烏雛烏各抱命天海迴然渟夕光廿年太平作窮士
瘦硬能持骨未死傭書苦等歧路羊質春羞爲入圈豕

生平慷慨裘馬客散處人間堪俚指豈真兵火阻存亡
寄慰蓬蒿無一紙吁嗟乎飢亦不足憂飢亦不爲飽者
羞日飽粱肉無遠謀何如夷齊葬身首陽下清名萬古
常傳畱蕭然薇蕨空山秋

夏夜獨坐雜述八章四疊秋興韻

隔樹旌旗砦似林橫天箕斗與昭森潮翻亂荻江無翳
蟬語高樓月未陰閒索殘樽供薄醉聊從曠夜致清心
鄰姑未解秋風怨預向桐垣試練砧

垂垂葛袖竹同斜寂有初涼警露華山鬼能歌宜古瑟
天孫無信寄靈槎雪低肯送江關雁風遠疑聞海郭笳

最憶昨宵疎簾夢鷗檠烟水滿方花

萬靈共納吳穹暉漫撫居諸感迭微已悔魯魚沿筆誤
須懲宋鵠退身飛高雲人切甘霖望小草吾羞遠志違
頗憶五陵攜劒客平生遊俠擅輕肥

東山墅券賭圍棋可識蒼生樂共悲要恃諸郎收後效
似忘勝局失先時衣冠戲下叅籌密風雨江南整騎遲
那復重來羊太傅白雲峴首寄餘思

太乙靈仙隸九山無端控鶴向人間夜邀秘誓書金券
天限中原仗玉關上樂不翻朱鷺曲長生猶傲赤松顏
虎頭甲隊知多少半是鴛鴦綺袖班

淒惻臨邛怨白頭長門徒解漢宮秋文章鮮濟江河溺
歌舞難分士卒愁萬里風霜韓愈馬一身天地杜陵鷗
人心衮鉞無私枉肯任窮奇托禹州

翻覆誰窺造化功漫馳非想入元中天戈不指來王國
帝軫方揮解慍風遙夜孤星占太白何年繁燧滅流紅
衛生且課餘三術檢校農書問市翁

月光斜過嶺逶迤螢火三更共滿陂無盡雄心消馬磨
不堪軟柳警烏枝貪生媿說鄉園在歷變方知世事移
坐剔牀篝渾未臥太阿鏞澀影空垂

亡婦周年忌辰作

汝死經一年吾已逃百死祗今歸無家漂魂蕙江水蕙
江水來東四明二百里下蛟門城紆迴潮過殯汝處未
肯將吾病魂去迴潮似送汝魂來海闊雲奔孤雁哀我
方倚樓悲憶汝濕翠當衿墮山雨昔夜夢汝如昔時霜
後芙蓉顏色淒隔闌短柳新彫鬢背竹疎燈舊杼衣夢
醒何處尋殘夢天地斜陽一蟬送今朝祭汝江上樓萬
蘆颯沓喧早秋茫茫江水流復流寸心逝矣誰能畱殤
亡滿野兵未休汝魄東南江盡頭江樓今夜夢堪續斜
月荒郊斷藤綠去伴烟心汝魂哭

過桃花渡雨

不見暮潮下但有暮潮聲水闊雲爲岸風斜葉過城人
多思舊樹天爲滌殘兵側面障篷笠淒然促棹行

後倪村

村在鎮城西二十里諸父暨妹氏張謝多
避亂就居者過訪信宿爲作此詩

荒野棲連塹菜粟日半飽亟沒俟太平危命萬金保兵
弛消息聞劫虜苦橫擾裹餽擬早尋黑霾阻江島江赭
石出骨炙暘不容草恣以祆火腥焚灼遍指爪生愁富
戶空剩食乞無道坐令腸茵枯結魄成餓殍秋飈一夕
清飈氣漸爬掃始敢踰鬼門倉皇走蓬茆五里一斷墟
十里一殘堡冢碣森亂松夾路互眠倒仰看千里天曠
氣作霜縞江闊無片帆遙巡兩三鳥入村搜暮陰頽陽

避田槁屏絕雞犬聲炊烟亦稀少隔籬逢所親如獲意
外寶面目欣復存安敢望修姱未及經歲離竟逾十年
老悲歡同亂麻寸腑百縈裊閱境逮至窮乃知骨肉好
長幼咸過趨傾茶具餅麩瑣務羅細端一一證分曉新
棺停薺廊多從異鄉天但與疾疢纏已感冥恩造猛乘
肅殺權天心厭炎燠豈真爛腐終罔期太陽杲清門綿
賈儒蔭澤托祖考咫尺邱墓鄉猶非墮茫竊去當告我
親庶乎慰憊悵束繯催上燈夕霖戰檐篠瘦壁驚打泥
難言夢安情

酬陳布衣

尙煦

奉化山居三十韻

復莊詩問

卷二十四

五

大梅山館集

良雨識樹意佳日知鳥心亂山無故友淒此壞壁琴自
非芳草愁匿與烟光深溫養苦不逮墮厠殊未任蒼龍
燭芒角照入元都陰支巫失嚴守六合遂午霽憤彼豢
馬奴赤手胙萬金上挹仙掌漿嘯聚狐魅斟土石積瞬
息對面成危岑已拚刀鋸從仁義胡能禁叶皇皇

先聖度賤褻偏始今延屋幸無蔓緘舌羣相瘖更披太
行霧蔽伊萬首黔舉杯雪壯淚淚下還潄潄長夏孤鶻
飛高作商鷗音赤村斷炊火古木鬱以森喝氣困生翠
未夕雲先沈投箸訊消息頗怯餘戾侵枉援嚇鼠技隨
例籌斧樵赤松或化石變幻不可尋重幃障密闥愛護

同保妊祝融焚大屋秘庫鮮完琛乃踰百丈淵獨振千
仞襟鉞攬礪堅齒披莽刷野蔭分緘拯我病綴肉光瑤
簪九道合璣緯在次何商參禿髮難再元奔馬方駭駭
夢中清夜角掇我黃蘆衾恨以望澄目坐閱虹亭淫如
子狎鞠侯老死甘崎嶇

夏夜同姬人江岸步月卽事五絕句

寂寂露螢停暗莎斜斜風雁渡明河薄衣涼透不歸去
泥聽漁兒水調歌

迴指牆隅閣一層垂垂暗綠裊烟藤昨宵醉倚看星處
箇是橫闌箇是燈

復莊詩問

卷二十四

三 大梅山館集

炯眼窺磯獨鷺醒鷺飛孤荻動亭亭扶來羅袖袖垂水
奪得荻邊山影青

隔將楊柳問姮娥今夜誰邊秋最多可惜橋東千葉莘
托身烟水不爲荷

一瞬東流去渺茫十年春夢驚鴛鴦鷗天萬頃山千疊
約共漁裝老是鄉

初夜

初夜橫西月秋聲試澹睂高樓依漢近薄袖下簾遲王
笛有清淚芙蓉是怨枝黃姑天渚隔何以慰相思

酒餘

酒餘夢氣約疎繁星轉簾光識夜明江水不風蘆葉怕
吹來漁語雜鷗聲

逃吟

習藥難防病逃吟轉餌愁亂山叅世變嬾迹媿天游稍
色平交野江光晚入樓化機誰刻鑿食息有沈浮

月夜

萬朶燭臺髮炯影畏難逃枝上烏驚宿人間吾息勞凍
水汨羣山止命誰獨高靜搜寥廓聲無風似聞濤晶芒
愁鑠魂未敢抽囊刀

托感十二章

復往詩問

卷二十四

天 大命山官集

入俗試變機蹈履胡由憑警候多涼風不掃陰翳清澗
坡積叢杞幽絕無人行日光避林色白晝聞蟲鳴返心
檢初悅外感慮其撓遷化不違理天人默相乘矯激抒
憤悲悠悠徒喪名

曠氣何靜涵山翠無改容片雲停乍行高天已先風孤
情不爲鳥曠字我難狎著書雖慕賢泯滅誰見功敢云
遏抑懷力能持所窮

隱憂非諱言自審已多疑秋月含澹姿迴野夕吾期孤
鴻求賸梁未肯戀羣飛可憐毛羽輕于世亦無依雖免
羅鍛危誰諒高風淒顧彼九苞鳳梧實食猶稀呼吸朝

陽光懼隕太平儀托天得遂生安庸爭瘠肥

萬物未相役吾心終不閑佳卉聽凋悴何事除茅菅出門慨東望蒼林鬱如烟下有人民居近已廢爲阡窰士還無家壯志胡弗捐所契難遠求忍辱務其全

羣鷺循下除暗受檐雀譏蕭蕭牆隅蘭得露矜餘菲空坳浮弱烟明晷昨所移老木亦愛心黃落苦難辭長軌滯塗馬短髮傷盛姿介石不鑄形焉能防越思

餓夫識初命鄙客存古風寸槎浮大江演濫將何終有托皆實基弗諉矢惟躬皇天無靳澤一雨千疇公淹延華門夕佳色崩琴哀入目孤嵐青雲淺不能封暇當葺

鉏宮密谷芝方茸

時命不擾天富貴猶塵埃乞人倦行吟冷酒方溢杯頗
笑朱門高中有病人哀華髻環錦衾夢嚙憎蒿萊蜉蝣
眷晨暉得生復何猜北邙蕭條楊當年千尺臺瓦礫無
片存枯雲散如灰

叵測窮世機斯人未堪謀愛體忘其心神鬼遂相讐金
辰澄素風茂化已難畱君子憂物淹惕惕愼前脩關情
在艱鉅外義屏瑣求甯蹈昏憤名不貽古賢羞

薄雨洒林牖攬帶思荔芳絡緯方怨涼羈人自懷恩百
年得閒曠冽厲皆煦溫魂魄浴太和誰云夢無存隔然

西雲開仄景駐餘昏俯拭衆彙容不使就混渾野戰何
元黃慎其筮諸坤

飲啄立天地于我爲一身身後或我思例諸陳人陳是
有不亡理曠代彌鮮新譬之大道車離軌難持輪悵彼
徇勞喪形在氣先淪留沒同野駒曷由駐吾真

習勤振疲體行路憂其勞伊呂不出山自命誰信高永
懷古良士曠世資同袍耿耿千秋精慮隨晨星韜曲鉤
懸佩間直理素難撓六合無首陽夷也逝焉逃飲酒娛
歲年有樂常陶陶

擬爲招隱詩和我劉柴桑落日延暮涼高槐鳴蜩蟬故

人近無跡酒熟俟誰嘗轉恐神明存寡治中遭傷微吟
寫吾好籟答空天蒼衣尅志夙遊元律維盛昌萌投草
莽深匿面未容狂山川納繁榮聊澤襟裾光

復莊詩問卷二十五

大梅山館集

鎮海姚 變某伯甫

韜志三章簡厲山人

韜志汎羣籍攬古每疑今
嶮然持牖光未許窺元深出
門遇田父罷刈披野衿
目審空鳥飛謂當來日陰專聽
鮮旁務撫籟皆得音抱鑑蒙垢埃負天慚吾心吾友栖
鶴江著書慰夙任應探皇古藏一弄庖犧琴

下士邁窮境汨命猶蚓蝮幸此廢質存孰非天所優
山川寄清嘯寂寞良自羞須念糜爵人積慮同縛囚區區
雲水閒並難夢寐求知足尙無尋在浪何不鷗告豐兩
復莊詩問 卷二十五 大梅山館集

其沛汰塵月方秋倚思清樽歡可以乘扁舟

曠子倏經歲邇跡難盡知差間支絀勞謀食如年時謀
食但得食支絀終奚辭生愁棉市中鮮重蠶女絲艱苦
得保生飲啄逾可悲入口同寄荒我亦寸心疲潤我憔悴
容僅借青山姿青山邈爾居爾當悅以詩

七夕倚蕙江樓吹簫爲素姬度曲有懷江南時雪

海東石遲

誰家梧桐對我閣抵住金飈不肯落水雲萬頃月一簷
綠影闌干病鬟弱疎轡八面青蓮蓬銀潢不夕衫照空
衫涼暗惹螢背露扇嬾迴收荻尾風佳人古怨托白紵

騷客移情在遠渚烽火江山渺醉魂蟋蟀年華感芳侶
錦城昔夢邀畫蟾瓜燈十二牽牛簾酒心蛾黛橫碧纖
鈿屏燭膩流膏黏過箏風緊促離別敗荷不使鴛央淹
螺門笳淒柳摧雪京口花漂戰場血天東天西鴻雁絕
挂樹幺鸞賸哀咽幺鸞黹黹依可憐香桃骨瘦如束烟
盈盈潮氣浮爲夢娟娟蓉枝倚得肩乾坤秋高肅砧杵
細擷瓊聲點釵股樊川生平羅綺愁細與紅兒寸心貯
寸心抱蒨秋最苦歌罷長吁袖翩舞關河迢迢夜色阻
多少樓臺燕無主獨睇殘鏡怨荒雨

哀江南詩五疊秋興韻八章

夸父投戈向鄧林海門薄日匿寒森流槍焰逼黃天夕
亂鳥魂趨白下陰方叔居然稱元老包胥誰與剖孤心
竟教密地如窮塞霜滿江鄉十萬砧

颶風卷燾七星斜白髮元戎誤歲華隘岸射潮無勁弩
高天貫月有枯槎募軍可按馮唐籍解陣空吹越石笳
最惜吳淞春水弱晚紅漂盡細林花

寸心炯炯抱丹暉敢道臣身出賤微火陣衝牛毛可握
風旌浮鵠翅能飛一城命在生誰托衆士恩深死不違
咄爾倒持天斧柄卽知狼狽兔方肥

開局原無失算棋路逢絕勢亦堪悲最憐段頗亡軍禍

早伏哥舒出鎮時，瀟水燈紅傳餉急。桂橋夜黑落星遲。

昨逢繡帽三絃客，新樂蒲桃寄憤思。

陳忠愍公寶山之難，淞人有製蒲桃。

曲相吊者蒲桃，寓言通迷也。

大江左臂截焦山，萬馬漂沈指顧間。那有龍驤馳蜀艦，
翻容狗盜據齊關。護軍塞北思依寶，宣慰淮西待薦顏。
猶道零陵多智略，戰勲舊冠羽林班。

問誰刃馘月氏頭，北固軍臺譙晚秋。六代鶯花絃接怨，
八屯戈馬雨潄愁。斜陽疎柳荒城旆，淺水芙蓉畫渚鷗。
此意分明宵夢得，征帆無恙下瓜州。

大水門前拒戰功，可憐埋沒馬泥中。殘聲自打銜山月，

敗葉難禁過峽風樹隙雲沈闌星綠箏邊鬼語野燐紅
嗷嗷哀響中遠雁沉宅無愁讓釣翁

松常軍路極逶迤半絡山村半水陂精衛未能填大海
杜鵑只解避深枝豈應徐晃軍都懈漫笑岑彭令不移
我抱淒涼開府恨登樓凝望遠雲垂

贈無礙上人

搜烟直窮嵒底樹千歲癯僧抱琴住毘耶弟子三百人
一劫風輪了人趣其住劫者不出山習猿成性心黠頑
手中獨有無礙子氣借雲生骨木死龍女善相供煮茶
枯蘂垂龕開白花珍珠撒手成碎沙世間恩怨糾如麻

子忍低眉不相顧鸚鵡嬌啼獅子怒無情風雨漂六天
誰抱元燈守灰炷萬千夢裏孤鐘鳴擔囊踏露人間行
栽畧武當苦磽确泰華中間地最平奔雲不攬黃河聲
閱世歸山上果成不容饒舌叅梵經其息愈默機愈靈
指端一現蓮華青虛空妙樂移我情我將師爾求無生

寓廬左右樹分咏五章

枿櫨不畏霜老健樹秋骨深牆窺暗青延陰借苔髮落
冀非異材剝膚禍遭猝織簑防淫霖猶能助耕垓空山
多廢榛近取已憂竭古朽矜獨存烟采怒晨發豈云天
相偏無名永彫沒

鬱鬱杪櫟林佳光吸清旭蔭庇無靳私遠及隔村屋造
化崇本根志氣在堅蓄斧斤豈有情曾不長者辱讀書
當其陰几研積澂綠吐納霜氣香坐忘夏時燠所嫌上
化山西面阻平矚九柏如列營衛此戟門燾

東偏三畝園高下皆女桑臙枝疑倒植形惡性自良培
護經臘冬待春始遑揚蠶命關人寒其葉衣之糧甚盡
鳩亦稀剩綠猶淩霜根隙籌種棉毋使沃土荒愛彼閒
閒人獨倚當殘陽

急湍衝斷梁枯柳臥磯石旁幹迤水心綠烟縹三尺纖
鳥能解春時來挂輕翮宿夢流光嬌難拚眼中擲城湖

十萬枝畫船負佳夕頗聞軍躡餘飢鶯弔罌麥爾今亦
就凋知誰與憐惜淒月遙山清明霜大江白

種杞聊當籬居然布櫚翠共托膏土中原難遏生意亂
草相結糾不芟亦非累每有鄰兒羣驅羊就陰睡非材
天與完適用賤皆貴蕭瑟流民居仗爾作屏衛近復風
雨涼清宵領蛩味微質供自娛庶乎謝讒忌

夔兒

夔兒三歲餘苦爲無母兒起居依大母飽食但知嬉下
庭拾枯竹促步驅鄰雞苔滑不受鞦韆足沾爛泥有時
弄瓦草手面常汗鷺見羊輒呼馬捲袴便思騎偶聞阿

兄讀向隅學晤呬記誦雜零星牽摭詩書辭矯慧皆可
憐愛惜甯諱私所悲汝母死襁褓尙無知不能鞠汝身
看汝成立時汝褌短及膝猶汝母所爲竟勞汝大母爲
汝縫續之招來抱諸膝撫頂潛涕洟吾鯨往誰告藉汝
聊解頤崢嶸此頭角願汝驛弗犁

村南老翁招集野人劇飲醉後述之以詩依吳才

老通韻

禮法不縛義農民風霜不殺暑谷春榴花七月壓牆滿
當門水淺蒲菰青江暉射梧屋不陰茅檐悅嚮多妙禽
村翁宰雞方謖鄰拉我坐酒同酌斟鉏簞綠壁當古屏

隔屏棉弓彈白雲階隅稻葉積黃薦潔堪枕臥無憂塵
翳毋卑詞謝疎率我慚拘束難爲賓因擣近事恣談諢
佐之舞蹈狂誰禁牛童豕媼驚未聞扶手以牖挨肩聽
羣思瞭海測蛟蜃碍地怨有遙山橫開筵自午旋及申
灑醴奚止三十巡客或醉作康衢聲索缶不得聊擊樽
晚光弄河天英英一蟬漸斷千蛙鳴過堂羣鳴待歸堦
隔籬獨犬催閉門竹籊四照葦炬明出厨香飯傳碧秬
經年辛苦費筋力幸茲稅羨誇無貧一客袒衣行步庭
仰面喈喈占犁星晚禾最忌秋初霖皇天相愛須錫晴
大田有穫萬口奠客雖私祝非私心庶幾報饗迎蜡神

老芋充釜肥羊烹餽餘重此作高會太平共飲吾
皇恩

雨後值王熹至

雨餘涼有暉獨戍靜山旂冉冉野鴻度寥寥空葉飛
天留夢窘窮眊慰心稀一證素絃願故人來歛扉

客自都中來致故人相憶之意因述近事報以詩
六十韻

短紙托寸心繚筆亂羣緒事實難竟言不在亂離苦
亂離亦可悲入口墮烟莽暗渤多狂瀾飄萍弱何主
朝出負擔行暮歸擇蒿糴惡趣娛賸生性命祝坏土
上第聯

故家種楸壯門戶逼籟當我琴危絃動雷雨岸巾桴獨
歌鬱響變幽古窄牖明咫尺天奚暢鳳鸞舞客從薊門來
爲傳故人語誰識勢面猴披髮正騎虎八絃浮太曦萬
靈挾皇煦堪此東南偏下濕獨遭癘仗鉞來禁臣司
戎號元武戀夢黃鶯叢偏效女郎嫵一蛛抽懦絲頗怯
衆蠱聚結營避要衝酣眠蠹戈斧斯民齒喙存切已有
公怒暗刃抽帶禪索腦欲爭豔卓哉陳將軍敝衣起行
伍獨負穿甲創登臺手抱鼓略制三尸淫未竟肺腸腐
暉也沒陣亡復誰捍吾圉祇今江湖間愁霧壓元鹵怨
彼蛇頭強不肯下潭俯郵聲須有傳羣公匪盲瞽忍擁

委蛇裘上令 帝聞阻末儒慚鮮能平生抱慙腑安顧

忌諱深緘口戒傾吐狂言徒引憂喋喋究何補且罄賤

子懷甌縷爲君叙去秋乘沴金毒熒橫

去

江滸挈眷逃

鬼門棄家同棄窳海雲冒曉靈霜飈厲宵扈肝血流及

跟礫場履無苴數翼離網鴻萬幸免撈虜縱免撈虜危

畱存亦奚取視帚成廢奴手痺袖艱舉豈眞積罪多積

歲困刑圖野俗尙鄙俚賣文賤毫楮頗羞一飯艱乞憐

到牛豎願揚箕神風貼地埽飛蠱錦韞停長官卹亡整

丁簿遠勞致念殷夙憤藉傾抒佞佞歧路羊失十不追

五轉慕局外閒食息就班部迴憶庚子春風塵共樽俎

浩蕩奇肱輪清平大呂簾坤色澂點埃蓬萊皎堪覩警
騎倏告聞中氣爲消沮捲囊束亂書秣羸不待炬君等
雖慰藉心已越吳楚詎防螻蟻躬受刼入黷釜瞬息三
年經瘦骨但身挂仲宣悲荊州少陵感夔府絕壑剗劒
銳窮行影踽踽北眺萬里陰遙遙酹香醕故人魂儻來
我栖近鷗渚當見葦棘中孤芳抱蘭杜

倚樓賦秋思

山帶川衿入夜光靜中秋思析毫芒魚邊月氣吹燈白
柳縫風絲裊髮涼擬棹別洲尋晚菱乍驚暗草語初蜚
病腰自惜東陽瘦起放重簾檢臙香

織新衣

釜中百蠶命機上一絢絲積絲成百絢量體織新衣新
衣顏色嬌矜袖無參差昨日貼身素今日生塵滿受塵
不肯著棄置衣何辭山脚十畝棉病葉黃其姿海電橫
山來撼撼打斷枝秋燈絕紡聲貧婦泣以悲蟋蟀鳴入
牀夫君長別離大兒薪一束不供一粥炊小兒菜一匊
不救一日飢舊纈撿空麓破碎同蝶飛長淚續短線寸
寸心如灰脫兒髀上布翦妾衣裏衣顛倒結作領窄幅
難成圍寄郎窮旅中與郎瘦相宜漏屋彫瓦松白日烏
鴉啼結烟爲愁雲鴉孤雄不歸燕子坐深堂羃羃芙蓉

幃微命待西風西風多偏私刺骨千丈霜不與燕翼如
燕翼如白衿皎皎明月輝可憐屋上鴉鴉背木葉稀

憶婁文學

阜二章

蒼髯一尺動虬絲醉面桃花打柘枝寺裏束裝僧代僕
角邊傳餞妓行扈脫身幾入亂軍手案筆曾無暢飽時
聞道飛蓬滿歧路春陽不照病隣姿

別時蓮葉燦金罍近日芙蓉滿戍臺一札交情悲瓠落
大江秋色夢鴻來但聞駑馬都驂乘不信靈魚竟曝腮
未許麻襪告天子鯁生亦有杜陵哀

和厲山人寄懷韻

復莊詩問

卷二十五

九 大梅山館集

百溜崩崖樹不明夜中緊鎖逼窻楹
匿身在草拚薶夢
乞食隨鄉懼辱名遍地剩梁粍餓鳥連邨哀角入遙城
陽阿未分睇吾髮空覽牆花辨落英

原作

厲志

作計桃源向四明奔山奔水接檐楹
鄉鄰比視龐公
隱寇盜應知王粲名濤白掀天迷大浹海青傍午下
空城我家更在三交外戰地閒花又落英

再和感咏詩四章代東

簾揭江風葉滿樓涼陰如墨露濡頭
閒呼弟妹同商釣
曠對川原略放愁潮意淺深憑渚
餽炊烟散漫指林陬

荒天近跡誰相問尺帛千金喜雁投

鄰釜蒸蒸識芋香瓦槃盈尺喜分將頗嫌異地難均飽
恐似孱軀亦困涼雁底亂山遮騎逕笛邊秋夢墮葭鄉
南瀛舊櫓堪重葺敢畏驚風萬里長

鼃蛙伏井本汚低喻到蘼蜺感亦齊昔社已墟空苦憶
來津可問未憂迷狂時短帽花須滿覺後疎鐘月易西
那得玉皇新賜勅許持仙帚埽青霓

羨爾疎慵厠逸民清流繞屋好攀蘋須知今我無長策
只伴淒蛩哭舊人廢卷難收灰後劫敗荷還寫病餘身
莫疑楚調含商怨我與湘纍有夙因

復莊詩問

卷二十五

十 大海山館集

原作

厲志

日步秋原夜坐樓
夏峯猶是亂雲頭
酒場未困身先病
夢地無歡醒更愁
何處微風回小草
竟忘孤月照遐陬
巢雲鳳子應岑寂
竹實丹誠苦莫投

野坂微聞禾稻香
飛飛黃雀漫相將
老農撥食兒童笑
午日流煊暮雨涼
天路九衢終不到
人間一宿卽爲鄉
深宵起立東階望
玉筍遙連斗柄長
數枝疎索晚風低
誰道垂楊綠乍齊
來抱一蟬吟不斷
去飛雙燕路猶迷
閒情偶遞關山曲
巨浪遙翻海岱西
天上擬將銀漢水
下爲秋雨洗虹霓

憔悴徒爲杞國民托根江渚逐風蘋惟將白髮爭岐
路轉憶青山多故人兒女且休縈夢思乾坤倘復寄
閒身霞光晚翠龍蔥外苦自沈吟誰問因

聞粵東安撫之信明州夷軍將次退撤待還鄉縣
感成二章

日頽雲緊晚笳涼凋械城臺鬼作鄉官守令窮狼脫柙
東南輜斷雁籌糧孱民久困心疲茶下士難矜項嵎強
天詔傳聞恩宥遠佇看窮夜發春暘

浮天空水夢漂蕪蔽壑荒榛匿病鳥伸薪閒庭愁艾滿
初明舊識感星徂社稷八口畚鋤瘁戎馬三年涕淚枯
復莊詩問

倘許新翻鏡吹曲擬鑄玉版獻清都

僦居鄞江橋村絳山樓匝月撰它山圖經卽事三

章示主人朱

立洪

並徐

兆容

鄭星懷

兩文學

清響不容唳鶴翮雍已彫雲遠多鸞鴈忍命投蓬蒿觀
時懼流邁役俗難揮勞工文徒耀名未值達人嘲粗辦
薪米安蒙面思僻逃夾漾開古天挂峽神松牢每當月
滿空萬屋皆聞濤巋然一桁樓特冠羣屋高四山平束
檐置案當其坳紙色浮黛烟照面青吹毫積卷同亂絲
集緒頗艱縑偶獲尺寸齊如展鯨宮綃訂八昧共七吾
腹自慚枵何況見聞外疑理紛牛毛積句慰坐閒暇且

傾壺醪醉枕藤蘿陰夢在黃虞交

輓心入稊米百貌搜醜妍武斷矜辨辭吾敢阿前賢

黃氏

四明山志全氏鮪埭亭集錢氏鄞縣志諸書其言四明西南水利多外譌疎漏悉校正之諸君此桑

梓洞熟委與源發難相取資集偏助其全句章古豐壤

萬澮根一泉洩閉毫髮差餒骨無葬阡琅玕不再生

謂唐

太和王令始築它山堰

巨任仗誰肩督葺雖有官徒縻蒼生錢舊

制故難復舊法未容湮力疾勤鈔胥孰信卑儒言太息

哦雲山古愁來塞填龍門書河渠其論至今傳我爲牖

下龍足未投窮邊守寸誇得隅汗下徒泔然

置書且弗讀風日佳可娛策筇同出門薜氣蒙蒙裾霜

復莊詩問

卷二十五

一

大梅山館集

林冒餘葉揜蔽山骨臞靜媚秋鏡漪戍削青芙蕖開蘋
過雁影瞥視還疑鳬孰知鳬避人返就巖根呼抱巖三
兩屋有福方得居旣免盜賊危白手豐魚蔬空亭坐延
賞農來憇犁鉏上稻足晚收頗喜稅堪輸似忘郡縣中
已無吏與胥樸語流古情具徵 聖澤濡乘亂爲梗民
伊罪益當誅十萬狼虎中此輩實騶虞慨然望東極天
海交模粘下有一仞堂史乘手所儲莫能供考資我心
爲之徂始悔往日閒理業多曠疎此意陳吾子幸弗譏
吾迂述作揚太平居當盡爲儒壯時不自珍西陽晚將

哺

約同朱

立淇

遊四明山自緩江滙放舟作

經歲餐山綠吾嗟夢不驚攜朋同汎濫挾氣已高寒獨
鳥先人去遙峰仄景看近聞樊榭路森碧滿琅玕

移舟簞溪眺蜜巖

山意老防瘦散作披麻皴蠶聲索暗雨魚氣蒸明雲碧
蘿醉宜月桃花夢當春虹帶垂水湔玉髻抱烟暝此秀
古已飭其麗迴難尋夙知嵐翠間石室多藏真綠薤宛
委書朱檢岫巘文洞擷琅風虛似有絲竹聞頗期發天
祕觀理希所欣凡濁慚未除霞想空鬱湮

松巖下廢寺

寂寂齋廊日易曛荒荒獨徑樹無羣
泉翻亂葉當門過風送啼猿隔嶺聞
蝸篆難撫甃塔字旃檀誰熱石鑪薰
未堪古佛如松瘦長與空山守白雲

大鼎道中二章

薜色蒼然入磴平客來虹背踏雲行
挂梁斷壑多懸磓垂綆空潭有墮罌
老木香如龍氣古奇禽後似鶴姿清
好山一路環青赭饒眼看花不辨名

決背微茫一雁遙空山秋色極清寥
榭壇風緊搜黃葉木圓烟深護綠苗
嵐氣暗蒸天半雨雨碕流迴合峽門
潮石樓咫尺丹梯近夢約仙靈撫玉璫

長沙潭謁莊太常漢曉先生祠

荒水渟古春灘然發華潔靈枯蟠野姿詎嫌生性拙日
斜暮氣隕青山與昭揭干握芝草雲元英四檐結草竿
馮與王龍門望相埒目攝朱鳥飛耿懷矢夔契帝命無
兩存未敢怨頑劣吞刃栖九幽佯狂保明哲天質完施
幽人運挽忠節誰從爐底灰窮搜六州鐵涼潦秋不蘋
薦公寸心血遺像無悅顏哀耆蹙元經再拜增鬱伊上
駿渺英烈颯颯長田風迴雲一鵬掣

龍潭嶺

崑潢垂天綃魁斗爲之握山溪爭亂流此嶺實鈴束中
復挂詩問

有元珠潭亭星挂裙浴釵帶影晚紅蠶眉展秋綠倒吸
地髓乾吐之化青玉玉輓成雲痕澤使萬蔕縈石死愁
骨枯芝菌漸相肉我欲縋其陰懼遭蛇媼辱劖刻極至
窮造化恐非福人間魑正驕巫尪抱薪哭安得雷部神
下囚爾魂戮淒吟方未終暗雨隔林撲落葉同蕭蕭過
頂有飛鵬

孤悽坑

行行孤悽坑坑路悽且孤坑中無舟行坑上無人居似
從冰天涯來陟陰山隅老菽傾敗灰不復青根株齒齒
刀劒林石繫泉流枯薄口偶來照慘澹易爲徂裊空霜

一絲天荒如夜初竹約千仞懸但堪立鵲鵲西壁挂雲
起髡木多藏鼉節候未入冬毛髮驚寒濡孤悽復孤悽
我行行且吁轉境得坦厓一使心顏愉

下厂寶松菴二章

巖勢方急奔忽踏一履住仰失頭上鴻已過溟渤去披
藤尋竹菴竹縫磬先度敢因人跡希老蘚漫空布藉非
僧還山安得入門路投我佛杵堅遂定道心怖延我松
根牀敲火理茶具琴壁不可捫濕雲膩青露削落一面
山延畱片時煦咀嚼空花馨蕭然得遐寓

與佛默申約還時當再來高下東籬花俟我來時開禪

律持神明空山尊形骸孰令吾有緣而不拒遭猜過堂
擔筍奴似了樂與哀纏命愁妻孥托此姓名埋仰看林
外天一隙穿窮厓可惜厓勢欹難築凌風臺我今入山
去試險投芒屨願仗彼佛力安護終無乖

杜鼎徐氏莊二章

資養得林澤深居遂優閒各盡筋骸力自無荒饑年浮
屋皆古翠照門多晴川客醉聊濯纓我吟思撫絃
山鎌刈秋蘿水碓舂暮雲風來壑陰合石立澗水分
閱覽物自遠靜抱氣多薰東想泯外馳隨往寄吾欣

松岫斗聽瀑

袖拂風蘿倚石臺，瘦筇宜撻屐宜苔。
疏雲弄影雨初過，殘日滿溪花正開。
試鉤簾陰銀葉沸，吹笙天杪玉鸞迴。
十年碧海枯槎夢，賸與閒猿拍掌猜。

蜈蚣潭

上摩鳥坑梯，下鈴鷺鷥口。天厓彫喝陽，地壘狎元斗。
陰林不受風，凍霧結彌厚。黯黮懸蛇胎，石劒怒橫剖。
吸貯蚯蚓漿，極力避清瀏。豈我爲夔魑，照之面藍醜。
神物或內監，障爲萬山蔀。誰虞闇處深，終難免蒙垢。

自仙人巖至梓樹坑

玉女擎水簾，睨我過雲嶠。瘦石隨吟肩，撐空競蒼峭。
瑤復莊詩問

林鶴振虛蘭門日銜照山氣清霏花潭光靜生縞松夢
猿獨知蘚跡馬誰到曠象高溢秋寂籟下緘妙洞焉豁
古天森然偉靈造自此千奇投願持一節報

青菁墩

積翳重難埽見樹不見山鳴鳥偶然聞白雲有時還樹
根百道泉出壑流潺潺似乎仙之人招我蒼翠間安得
結一廬終年取琴彈

自醒鳩嶺踰石竹岡憇字巖下田家三章

奔泉下嶺易行人上嶺難一嶺十八盤一盤一迴環盤
盤蟻旋磨旣去倏如還滑壁無寸株許捫未許扳穿蘿

海日瘦振木天風寒石雲碎
茵苔玉簫鏘琅玕仰瞰碧
逾重俯眎青已漫開拓欲成阜
結束復爲轡本無萬仞
高竟容兩時殫苦求耳目異
甘使神氣殘浩歌升天行
脫鑰逃元關

嶺盡開一岡衆山各迎面
山外重重山猶未許平
見得空目轉忙脫危脚
逾健未及一趾移輒思
萬峰遍紅葉燒成丹
藍草潑爲靛俗麗刪
世春眞采發天絢雖
無鶯可邀尙有蝶來展
良境後莫追佳時坐
且戀少約馳騁勞
靜搜風日蒨漸鬱
詩想穠還移畫心
變安得謝隱君
假我注經研

逡巡始下岡逆風聞人聲俯見了角童溪面騎牛行溪
上百間屋見瓦不見櫺日直方午炊炊烟奪雲青因厓
構籬落借樹當門屏鄰汊鴨知避峭壁犬能升考族有
仙祖食農無世情邀客競爲主若喜半還驚犁傭佐使
役汲女忙調烹勸飽恐不甘止宿嫌未誠置夢疑華胥
熙皞吾難名

大風登小雷尖眺大關山

崑崙九峴垂明河吹臺玉級森駁駭天教太乙鎖伊闕
珊瑚倒綰瀨雲柯銀颺蜚雪沙揚波挂空笠帶飄如莎
翠屏八面走龍輦客獨攬馬胭脂坡指顧巒坳開溟渤

似有羣鴉戰孤鵲獵道榛蕪烟莽蒼戍堠旌旂日淒沒
青羆脫阱虎逃穴剔索南朝陣亡骨銅梁鐵柱兩關斷
綫路蛛絲動青髮空濛激我歌聲哀地垠磳礧鳴虺虺
山川小劫千戈盡驚鶴中霄環珮來仙之人兮來復回
東隅若木無遺灰眼前石壁何時開窅然三女

山橫蛾名

睂

殺羊巖

曠盡險重發目眩心不持殺羊名其巖於義竟難知殷
紅拋暗雲林果偶離枝跳澗來碧猴急攪無少遲窮天
寡悅象生氣蝕已虧好殺不屠狼殘忍終奚爲初平百

卷石鞭血猶絲絲要媚山鬼粧潑草成胭脂薄袖難障
風似有微腥吹且就烏相坪一睇陽阿暉

錯愕嶺

昔行坑孤悽今行嶺錯愕天幹交地根不止萬仞削左
擁刀作林右倚劒爲閭絲面蛇氣昏拍背鶴聲惡獻斷
松倒扶磴碎蒿懸絡緊隘抽半絲瘦石插千脚一脰百
變光十履九占錯下俯身先蹲上顧趾難却及峭風故
狂略平天始廓呼吸性命輕咄嗟造化虐倏作逃釜魚
喜同隕空釋心氣始猛舒隨雲蕩青壑

過桃花峽坐峽心濯纓石看雲成歌

夾溪松巘蒼鬱奔陡上一壁天爲垠羚羊羈角吸天水
水烟刺落靈芝根萬篁密相抱洞凹坡凸無由分其上
虹一痕縹之蘿片青藍藍水精作宅閉朱戶中有太古
仙鶴襍毳魂仙人綠髮清虛君瑣裳薄曳秋霞薰桃花
作飯柏作茗畫苔不凍琴絲溫至今姣好似童子肌鏤
玉采光輔脣招我不來君生嗔我今來矣君何言但見
纖鸞啁啾下上語琪樹華羽亂拂菡萏雲一雲一菡萏
菡萏無葉雲爲皴菡萏不翠雲不白化成百千萬億環
抱之珠光輪囷或疑白龍遊戲過星渚瑤室挂下之而
鱗倏爲瓊珞綵綵華髮續紛三元靈輜五景旛婉姁環

瑤昌容翫或有玉宸太乙遊碧津或疑暗黃霏上蓬萊
塵又爲涼素揉碎崑崙嶺又爲九苞之鳳五色招搖麟
丹彫振鬣元獅蹲陰陽離合變幻難復極然後散作一
絲一縷冉冉度出天南門人間富貴聲色歡樂之事盡
如此一身瑣瑣還何論似將生平出處榮悴歷歷胸中
捫使我胸中渣滓猛滌無畱存璇瀾瀉澗浮寒曛冰壺
四澈天無昏照我獨影癯且髡得毋出入風火水劫不
死之巫猿頰上猶帶枯莓紋倘容提觥挈月常寄一瓢
住我當造泉鑄石重此開乾坤

柿嶺寫望三章

萬蘿倒拉石入溪石勢不肯一寸低呀然上聳挂山住
翻拉蘿葉作雲衣五丁力盡開一梯蘿雲隨勢相蒙迷
客來撥杖愁攀躋瘦猿如鳥行能飛水簾不卷石梁斷
瓊臺萬古烟萋萋

積壁非石乃積鐵日光欲留氣先滅獨楸不葉狴狴啼
露頂孤巢愁列缺何人結椽楸樹下醉藉枯烟嚼陰雪
天笏不可翳移向雲根塞蛟穴

四山白晝聞鞞鐘山將跨日天難空日輪走遁萬厓底
光明去照冰螭宮山頭走雲如亂蓬我揮長塵當其中
塵邊拂落十萬鳥顧我衣帶恬無風下上一氣青濛濛

復莊詩問

卷二十五

大梅山館集

浩歌難發千靈矇徑思赤手鞭燭龍峯巒散作金芙蓉

沈家莊夜半大雨

置席雲濤中有如潮碇舟弱夢不守魂沈沒誰能求雷
霆夾壁生驅龍過吾頭木客騎老熊環屋聲啾啾萬林
併殘葉力塞三潭喉奔瀧抵難過奪峽穿西流漸從吾
枕根倒拔千丈楸骨軼思內持瘡氣猛來搜轉嫌牆上
火青青尙明篝照見聯床人目閉容慘幽豈眞天決河
決盡始方休何不洩向東去洗干戈愁

踰堂古嶺渡溪至李家坑三章

倦雲赴東壑西壁開涼暉黃雞呼飯人出門客遲迴引

風曠一葉傍我疏髮吹始知空山秋八月已蕭頽策筇
望前路坦滑多苔莓柴門知誰家野鞠頗有姿遠徑人
負鋤似向此中歸我雖塵世來意澹接能諧曠翠汎窈
窈吾衫烟霏霏

溪流若撫絃彈我素心曲交合空濛嵐望疑竹天綠四
嵐無外浮緊與一溪東下使溪水光爲黛不爲玉踏砭
行過南吾影喜資浴還視頃所經天梁但橫瀑結宅容
久栖仙山事無促挂月松蘿顛臥攜道書讀

溪南迤斜畷一折幽復深夾路杪櫛香惜非桃花林蕭
然遇野老向風坐披襟有田種山藥茁茁如紫蓼自食

差有餘飽外無閒心雜樹偶爲花繞屋多佳禽雖非魏
晉遺淳古已堪欽諷以招隱篇疏籟浮遙岑

八鉞坪

鑿阜開半蹊幹岫拓微坦泉氣雲密包風力樹牢綰萬
神率祕魔靈碧布旗旱蓮華中座魏戒師左肩袒冰屑
霏幻花龍光燭幽窳妙會涵上乘誑語謝紛麤枯井揚
沃流明葩月心滿香象刮淤沙搜珠到海眼海底千年
瓢浮井出霜藹石掌滑不持輕與薦絲撚仰躡重篁陰
氣絳日含晚獨松如丈人槎枒露冠冕腹洞猿作巢垂
睫謝旁眇定意參物懽無怖愜初善夢許逍遙遊經擬

太荒撰空山多佛因回身易滋舛願約古史籀摩烟讀
天篆

登大雷尖四章

赤城十二冠仙臺嬴政東巡近未回木石千秋塵壘遠
人天一氣混元開高鷹覓海拳雲去獨鹿銜芝步澗來
許寂飄零仙種斷孤松猶作劒聲哀

九華旛角白貌蹲一翦靈風媚古魂石甃搜花吹鐵氣
冰砂染草出丹痕元波聚作蛟龍府斷欄通爲日月門
咫尺面虹梯青可踏待攜瓊斧剗天根

百里唐田走石螭斜穿蒜嶺弄雲姿青蒼似擁樊翹髻

飄瞥都成李白詩天與九靈魁雄魄我嗟貳負枯雞尸
只輪埽橡芒屨客雨慘陽暄總不知

抱得雲和磬礪琴醉騎元鶴駐瑤岑埋山歲月青樵老
化羽樓臺白水沈日底奔駒無定象蘿間飢狖有荒心
出山要賣壺公藥生恐人間猶早深

雞冠巖

斂翅不得飛延頸莫知向淮南塢已蕪日輪自天上祥
寶嗣西秦貞壽稟東亢一襲青苧衣文采絢殊狀雄表
凌衆顏仙籟激孤唱巖巖削森秀曼曼謝依傍構巢重
雲巔止閑萬里曠偶來鷹隼翔奪風翅斜讓至靈不受

羈枯隱節逾亮啄木籬下禽安能測高尙

大俞山房夜坐

拍沙爲筑礪爲琴和以哀緩獨夜吟對楊枯禪非我相
結龕斷壑是深心偶離濁世難言悟吹墮殘雲不可尋
誰識元關高絕處一燈自朗萬峯陰

雪斗坑

山靈苦結轡未得尺寸砥忿鬱難再甚輾然始爲喜松
篁氣憑石改狀不遵理參錯灌與喬因厓亂懸委略致
霏微風蒙頭潑凉水使我馳驟心束入凍雲底選磴聊
拄筇深葉漸藏履青隙多樵聲飄忽不能指有澗雖匪

深懷清保根始東峽矜雄流逝塵誤千里頓刪險想平
亦令馳念止安得長毋還餐松老埋此

鳧愁嶺

危峯伸佛臂坦掌高及天旣坦復斜聳似秉重臺蓮昨
行望胎盼今喜升其巔阜日凝榭陰射袂流暖烟烟底
獵獵聲辨爲下山鷲在鷲去此山固猶千尋懸焉知對
面峯蒼峻倍逾前豈無峯上人笑我尙重淵高境安有
窮退惠誠堪憐便鼓精力強去者已居先縛履猛求進
雲來拒吾肩軼逕布銛石懦沙裹爲棉又防戒慎疎禍
遭中路顛碧落無近期易由邁上仙

升石窻少憩有得擬書壁間二十六韻

拂落鼇背霆難悚五丁夢可惜神火標不燒滿山葑頽
吟纏鐵莓遍捫苦無縫星尾銀的懸眼矢射誇中體重
難化雲卻步已形衆仰面如有招試蹈屢投空偃身握
朽株鼓氣代飛鞚束志略未堅糜身徇龍洞暫忍罡切
危居然得騎鳳珠斗垂綺檐四窻九天貢平生跼蹐想
未得萬里縱如何居至高仍爲濁嵐曹聞有太古猿骨
老不識凍手摘日月丸跌坐作珠弄尋常仙騎過但以
目遙送復嫌凡跡來內關便緘封我亦凡世人未拜上
清俸此境能許安玉延尙堪種短哉蜉蝣心死爲哀樂

用邱墓如積塵誰與舉名慟發我離垢懷遠意萬巒控
出定泥丸神依稀碧霄孤碧霄多瓊樓眼前問誰從且
席烟蘿坪首枕至虛窈文果緩山桃丹毯壓肩重聽彼
幽澗泉泠泠散清唳

飯大嵒下盧氏莊

但資吐納向青蒼不信佞喬有異腸潦草篁陰逢獨屋
空濛嵒氣蓄斜陽樽中酪筍分茶釀釜底煎煤和柏香
絕粒未參黃石訣預愁五嶽願難償

自蜈蚣肚獨行赴白蓮莊

窮脈閱雕景泐水浮破蠡搜魂海根霧躡夢天脊蛻鉤

連萬龍骨似棧不作梯一削開劒門到春草無妻但存
古時雪凍極成綠墜半帶蒼坳雲揉碎鷗聲淒殫掌幸
及高瘁趾復從低將舒卷逾勁方晝暝已迷大造棄元
慘神靈亦愁栖敢因瓊關通畱此一綫蹊熟樵獮並輕
荒氓鬼同驚冥境鮮瑋觀問客來爲奚孤心恐沈逝不
敢動疑憐且綠箐略東往蹴蘿厂西

山女行

山女食山氣青面蓮葉光醺嵐不澤粉自非人間香蛇
髻松爲釵髮襪紫纏襠不識春可怨詎知秋可傷見客
百愁笑純任安故常願嫁騎鹿童弗願嫁牛郎牛郎要

種田種田田有荒騎鹿能種芝芝熟堪充糧山女抱山
骨珊珊如鳴璫山女亦澤粉此粉柏之霜夜抱山月眠
朝俯山溪粧

登幹山絕頂俯眺二百八十峯浩然作歌

三台無根五嶽小天姥兒孫頭白早神仙亦是蕭寥駒
隨代隨時作塵掃我能到此甯非仙俯首四顧無人間
人間却在白雲下自吾別後當千年白雲在下天在上
雲面青嵐日摩盪西犇萬牛南驅羊北迤驚蛇東走浪
青光盡處變耨采不是山嵐是滄海海烟卷入山嵐中
傾刻滄桑百回改仰首不見鵬鳥飛雲隙過鷹如蟲微

日輪懸臂玉槃大足跟愁雨方霏霏愁雨秋聲日春色
梧落桃開一雲隔孤心已了萬劫殊寸掌全收八挺窄
白雲漸低山漸高掌影反覆心根牢亂山但似亂墳積
雲氣都爲水氣飄我方有住究何住陵陽容成不相遇
茫茫大千蟪蛄身再死重生一回步吁嗟乎死生豈爲
吾身哀亦非以此哀後來塊然頑石今未開焉知中有
金銀臺焉知上古廣成子至今姣好猶童孩不如撒手
返塵世盡吾所事全吾歸形神有滅名無灰形神有滅
名與灰除此眼中海水覆作堂坳杯與此二百八十一
萬三千餘丈之峯一一皆崩墮

過草鞵嶺偶得三絕句

東巖氣清下有湖隔雲飛出青毛鳧傳聞六月可浮艇
明月嬌荷風嬌菰

棘心采得一檐果三頭駢鄂似櫻桃幾時靈芸唾壺淚
玉汁凝成白髓膏

不知卓錫西來意休問騎牛東去人木羽仙童披短髮
要從天外乞元津

阜茨塢尋劉綱樊夫人遺跡

元屨被芳藥錯燦不辨名凡骨未當仙誰肯嘗其馨陽
林敷華風颯動春縈英雲作劒氣垂千莫雙虹精劉樊

好夫婦胎息交姪嬰百年悲短緣脫舄還瑤京海月懸
靈壇夜有呼鶴聲瀑簾倚疏瑟涼荷鎖爲屏雅曲無怨
思時媚山魃聽下憐人夢荒雨苦鴛天冥古蹤闕千載
客來窈何情臥虎如可騎

云升仙時遺
易化爲臥虎

險壁吾能升

自百步街嶺遊過雲巖潺湲洞小四窻六龍泉佛
手巖三峽再來石諸勝二章

衆妙歸一宗始形佛力大食肉從屠門有腹誰忍餓平
等諸法相百舌辨難破色界雖華鬢空空與之化撒掌
投祇林隨宜懃臺榭選勝同辨材形義確無借爲石必
赴高是泉盡趨下容有穿鑿存固堪矯揉謝病僧不顧
復莊詩問

人竹陰裏雲臥彼且息彼筇吾自啖吾蕉

生平攬山水不遺纖瑣端可惜於讀書未能如是觀
板蕩暗苦瘴蹴磴流驚湍奔走百蹊徑搜括千植藥力或
委劬瘁心將畱疑團竟使未發奇畢獻無略瞞太息天
地精雕鑿幾無完宜抱渾樸資適致人不歡疏風振復
涼遠日墮將殘冷然空鐘聲一催萬鳥還

登舒嘯橋眺芙蓉峯

拭翠明天地湔虹澹佛衣暗聲吹薜落秋夢隔塵飛玉
澗清無恙茗年夢已違亭亭螺髻影含怨迴何依

憇杖錫延勝寺卽飲先覺堂丈室三十韻

閑心慕眞素五嶽難近求片席起曉嶠空山夢誰酬割
形外諸妄媚佛辭塵謀破鉢枯鱗龍豈爲禪門讐筇疲
無住鄉汗漫譏元輶鮎能近人弄翠虛堂楸雲根終
歲寒隔指開靈湫魚磬不恒敲靜籟意爲搜遠見諸天
徵萬壑趨羊牛茗銚霏微瀾清納全象秋取適聊寄閒
眇想得所儔絡石餘一花孤迴信無尤獨炷分元鐙萬
古斷車騶攝義通大乘樹立驚王侯結殿冠上穹峻可
毘耶侔托履良有緣慚我同黃桴且發齋厨餅隨量斟
臘筍日月逃醉鄉賔得千金裘下方多餓魂紅粟棄填
溝飽死昧其恩僧命眞虬蟬我言非效僧智者悟生羞

靈性苟未孚片刻艱夷猶出循扶疏林眷彼殘葉脩薄
嵐清照衣落日澹宜樓入峽多溷蹤古相彫猿猴樵夫
老筋弛抱薪亦堪憂脣舌依儒緇根蒂尙持畱澗泉聶
四厓東逝歸同流振衣下南阪脫鷹莽辭鞬溪虎不嘯
風幻跡空悠悠

屏風巖觀漢隸四明山心四大字磨崖刻

白雲爲門山扃開巨筆力拄千峯頽萬牛迸怒作一磔
提攜天象何雄恢陰蘿靜月猿夜哀蚪松骨老生紅苔
誰歟跌蕩縱奇想靜眠十夕搜神雷此書得孱金石志
韓梁張史皆可灰遐哉太始廣封禪翠華不得巡窮陔

勅移丈八嶽東石裹烟纏雪投蓬萊文昌中極洞星牖
玉轡環擁蓮華臺猛狔虎爪入眞定特擣龍秀包元胎
銅駝石馬幾陵替牟尼出世無劫災了然心目攝皇古
頓思焚楮逃譏埃房精懽悞天駟來金剛不毀神毋猜
題名幾輩弄刀斧碧落炯炯吾愁埃

自橫山至茶園岡

荒山人稀獨路小重雲欲塞勁風掃脚跟敗葉枯警秋
睂底微嵐清揭曉誰知天色當暮時疾鳥過天無一遲
不深澗曲已如墨最上峯頭略有暉鳥盡天冥遠鐘響
我以孤心收萬象暗疑海氣東波濤低見星河壓草莽

醉僧攜燭品缺行願我而笑還相驚世間萬事那可道
風雨空山有甲兵

由梅樹孔星夜趨鬼叫坑三更抵化龍莊

窮荒愁太陰白晝亦昏夜誰將暘谷暉尺寸向天借
瘴潛括搜窪谷日深大縱使狼虎栖不病亦遭餓矧我
行暗宵勢迫意難謝始峻腹枯梢漸俯匍匐榛罅黑風澗
底盤似有哭聲過又似人語聲鬱在千仞下叶高星搖
慘芒未肯到地射鬼車飛過頭碧血上衿浣碎葉攪暗
沙窸窣辨無暇沙縫千觸體累累觸吾胯落趾不蹈空
便喜步得藉刮面氣入冬浹體汗流夏以我廁世間微

命賤同埽子焉今夜身居然挾奇貨元都宅百幽終古
斷人駕敢吾道力堅來參此關破惜無溫嶠犀畢照魑
魅詐萬變猛剷除太行忽移跨決皆頽雲開一燈出林
乍尙懸五里梁凌虛躡鷹架幸奔沈魄還竟增野老詫
久視無一言置酒默相賀遙眄叢薄中赤燐亂猶簸且
傾三十樽袒衣舞長杞

自華桃橫冒雲下紫樹陵

對峯覆雲如白蓮側峯雲裊猶如烟近峯雲作一龍走
遠峯已裹千重棉斷雲略讓峯出巔峯與雲勢相摩研
空廳一蕩四雲合四雲一白峯皆天我身納入亂雲裏

隔面難索興人肩雲行下上身中懸有如漫海之浪一
葉飄其間但聞溪聲過耳涼濺濺衣袂欲蛻身欲騫渺
不知此身在天在雲在峯路又不知此身爲龍爲鶴爲
神仙既無金支翠旗左右交翩躚豈其置我混沌未鑿
洪荒前低風一揭雲過偏隔雲下裂千尋淵松厓蘿峪
夾奔瀑亂石齒齒同鉤連迷茫一墮不值化雲去如何
高風一抑仍迷漫高風一抑更高揭青霞紅旭掩抑激
射光新鮮又似送我赤城玉闕朝眞元入雲爲夢出雲
醒道逢屐客塵中旋爲言子行不簔不蓬笠烏知下山
之雨已溢千壑泉下山之雨雖溢千壑泉慎毋出山東

去改爾清淪漣悠悠忽忽無還年

羽靈廟

險夢昨繫千尺藤挂落天底搜神燈白鵲戴冕黃廚昵
北斗射柄生芒稜繡旆颺露花鬚簪風語迴綠春烟冰
鶯腰一捻燕雙睇玉綃侍女芙蓉勝西墀抱壁蒼水使
東堦仗鉞黃門丞琉璃沃雪臺九層井犴蛭縮不敢升
靈威祕簡龍文繒呼我鵠立供鈔膳捩肘忽觸朱冠鷹
悍驚搶舞同微蠅銀鐺擲地颺沙砾六丁怒發絨廚滕
支巫揜面夔跼走鬼車十萬驅轡較後招赤虎前青騰
鐵索四鄧蒙羅罽氣絳袂雲翳翳勢惟下隕難上騰

彭姑淫笑被蘿葉髮懸楮鶴要我乘閃屍北極電開目
崩角遙訴無相譬金雞三啼衆魔掃定久尙覺神憐怪
茲來頂禮土木像義身頓目吁可憎金釘獸齧蘭墻增
據座啜粥驕髯僧虞初怪誕不可攷儻忽殆有遊魂憑
社翁擔俎豐殽胥駭童墨面隨拜興豕肥牛壯食福膺
分餘報賽理所應謂神齒裔九龍冠不繫天馬騎滇鵬
鞭叱章亥役大翳提挈五嶽當泥塠帝封疊錫王號稱
數典了了如有徵昨夢或由此神幻恐吾嬉笑來逼陵
我殊有辭向神告斯民茅處阡亦塋尙獠風氣挾忍驚
制箝信匪軍官能惟神血食代司守少資呵護兼糾懲

出門履石俯空洞，蔽虧元氣森林芳。
刀劒竄凸環巢檜，蛇蹊詰屈纏爲繩。
雷輶過頂聞吟噲，陰山燭火熊熊蒸。
雄風旗幟雌虹緝，曰神稅駕遊崑陵。
五幽魄散八埏肅，萬巒碧照閬都徵。
丹蘂琪粧抵梧實，鳳皇摩翮朝陽升。
由抱頭嶺過疑遲嶺

衆山卷雲逝前嶺，屹然遭嶺盡復開。
嶺鉤綰根脚牢，金銀合鑪鞬出治名。
不消鎖作全山門，一畫仙凡交出笈。
鳳舒翩脫轡龍銜鑣，鑿霧橫祥柯冠月。
森招搖深赭腹，潛孚迴翠舂平要。
鼓盪元氣靈猛洩，更難韜蒼茫遞原。
巖來者何寥寥，但餘一點萍下泛烟心。
舩去跡將漸泉

振領尙堪豪欲棄傲餘易恐化元鶴飄送我浮邱翁攜
贈青精苗

箭厂

惡澗驅蛇龍顛厓攪犀象隕趾堪萬尋歷面有千丈細
徑當其交似軌不容輻輳棧通蜿蜒與天竟蒼莽翳重
林暗抽泉緊壑低搶來去爭百身安危隔一掌破險無
累平撓直幾成枉內悔弛石盟外障斷霞想近世蹈宜
窄在山托猶廣大藥嗟未求曷由慰孤往

自大巖坑踰籐崎嶺出甕甕峽

昂首出井榦軒空落天語澗水蒸暗嵐霏爲客襟雨老

厓經樹纏倒落不能豎龍角礪已吞牛溲鬱還吐蜀關
峨嶂雲蒼蒼割一股巨靈矜力强移來掌心舞下聽蛟
峽崩瘦日壓淒苦疑突陰洞兵驚魂攝鞞鼓百梗通細
流水徑極岨嶇地勢知鮮完天力亦艱補拓臂兩隘開
攢肝萬矛聚叢薄荒不脩元精觸遭腐冷然蘿底風散
我毛髮古迴眊西南山送人遠含憮

還憩杜魯作二章

來時丹蘂已敷苗去後蒼顏未改彫枉陟衡嵩誇健脚
苦投溟滓乞輕瓢十年夢證三清鶴萬壑泉歸獨澗橋
袖裏一卷天柱石明還攜爾入塵囂

清瑟西風水木園一眉初月照匏樽荒山魂夢愁鉏鋤
大隱年華媿鳥援康樂後當揚赤石淵明重此記桃源
敢言仙叟無黃綺且抱騷情與綠蓀

長嶺峰方氏山樓

高挹山川秀卷簾宜讀書深天明一鳥晚翠上輕裾靜
想契羣悅斯人遊古初定漪浮酒色惜未種芙蕖

章村訪鄭茂才

星懷 山居

且與狂歌瀉醺醺碧天寥闊片雲停深籬牘菊窺琴瘦
隔屋疎鴉弄柳冥種藥未醫秋鬢白吟詩喜對晚山青
栩栩然別有莊生樂底慕鯢魚縱大瀛

郡夷既退將遷寓入城畱別鄰友二章

避險獲全命未敢勞悴嘗有室堪望還一喜似難持羣
鄰迭賙恤相愛泯侮欺便將終此居可託詎無依長風
蕩遠烟天廓鳥當飛迴翔眇故巢欲去翻遲疑但願青
山空逃隱後來稀我行良惻然難行更當非

樽酒夜相屬崑月懸茅堂別後如我思似今清歌狂短
髮雖未彫面目瘦已蒼尙憂遷市廛轉類投遐荒繫舟
在江渚零星早成裝惜此山翠濃難與書篋藏隔門疎
樹枝移影戀吾裳下有吾釣磯明日鷗誰將

賃郡城市心橋南童氏宅

尙未還鄉里身懸曲沃匏罪真宜岸獄夢復墮無累碧
沚芙蓉宅青天鶴鶴集浮沈風月夢一例影憐泡

冬日雜詩八章

讀書坐日月嗟我廢其身於世一無補蠹食皆游民破
牖不蔽風窺天雲嶙峋城荒雀無歸來與檐樹親豈伊
靜有俟非時難爲與東家叟擁棉飲酒自矜春

哀聲逼瘦鴻海雪到城大孤者不入羣自銜一蘆過江
湖殺氣清已無弋人邏胡爾低翻飛猶似懾顛挫凜凜
雪下廬客亦苦勞瘁奪命干戈中止命入寒餓

客致錢一緡寵姬亦增色翹首望炊烟喜我今有食黃

雞入屋來向人作啾唧但審物愛生益知飽難得秕糠
能幾何有仗卽爲德我飽聊振矜雞亦振其翼

流民多未歸豈真異鄉樂乞食投異鄉尙堪救枯涸歸
雖居有廬勢將斷藜藿官賑亦虛文得升不施勺可憐
東西鄰延頸伺溝壑碧空梅花枝吾慚對清酌

飽酒仗醺力冒寒凌高城木落郊原空天地無片青炯
然凍鷺光江烟不能冥於斯黯黯中提我神氣醒眇聽
歸一希吾勞信何營

風緊江難冰澀已苦其流對江六七山嶺削驚獨鷺側
影依戍旗飄飄當城樓佔船偶泊江入市主難求有貨

不易錢歲窮行何謀海盜方如蠶南溟霧天幽

荒荒瓦礫場昔爲官守居枯樹千仞青霜摧近將枯縱
免刀斧危殘廢復何需災劫關冥懲天難保其墟宜彼
羅益州屋焚人遭屠金甞深米搜鬼火吹雄狐

萬物本無奪無待斯無爲昨日聽之往已遲今所追蒼
雲鬱到檐風力慮其頽一揭千丈高豁然軒吾脣洞見
天地情往復相縈迴自誤成病苦誰怨而有悲苟忘根
蒂持盛陽皆枯灰寸室能拒埃羣妙敢不歸